

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članovima 37. stav (1) i 45. stav (1) Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 4. sjednici, održanoj dana 07.05.2019. godine, d o n o s i

ZAKLJUČAK

o usvajanju Programa utroška sredstava budžeta Zeničko-dobojskog kantona za zdravstvenu zaštitu životinja u 2019. godini, u razdjelu 23, budžetska organizacija 01, potrošačka jedinica 0001, pozicija "Subvencije-veterinarstvo", „budžetska sredstva“

I.

Usvaja se Program utroška sredstava budžeta Zeničko-dobojskog kantona za zdravstvenu zaštitu životinja u 2019. godini, u razdjelu 23, budžetska organizacija 01, potrošačka jedinica 0001, ekonomski kod 614400 NAD 405 "Subvencije-veterinarstvo", „budžetska sredstva“ u iznosu od 150.000,00 KM (slovima: stotinupedesethiljada konvertibilnih maraka) Budžeta Zeničko-dobojskog kantona za 2019. godinu ("Službene novine Zeničko-dobojskog kantona", broj: 3/19) i čini sastavni dio ovog zaključka.

II.

Sredstva planirana Budžetom Kantona za namjene predviđene ovim zaključkom, realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

III.

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/19

Datum, 07.05.2019. godine

Z e n i c a

PREMIJER

Mirza Ganić

DOSTAVLJENO:

1x Ministarstvu za poljoprivredu šumarstvo i vodoprivredu,

1x Ministarstvu finansija,

1x a/a.

PROGRAM
utroška sredstava budžeta Zeničko-dobojskog kantona za zdravstvenu zaštitu životinja
u 2019. godini, u razdjelu 23, budžetska organizacija 01, potrošačka jedinica 0001,
pozicija "Subvencije-veterinarstvo", „budžetska sredstva“

Podaci o programu

Program je usvojen:	na 4. sjednici Vlade Zeničko-dobojskog kantona održanoj 07.05.2019. godine.
Period realizacije Programa:	Mjere zdravstvene zaštite životinja iz Programa koje budu provođene u periodu od 01.01. do 31. 12. 2019. godine. U ovom periodu izvršit će se i isplata naknade štete za uginule i neškodljivo uklonjene životinje u 2018. godini.
Ukupna vrijednost Programa:	150.000,00 KM
Namjena Programa:	Zdravstvena zaštita životinja
Korisnici Programa:	Veterinarske stanice, poljoprivredni proizvođači - vlasnici životinja, općine, Grad;
Izvor sredstava:	Budžet Zeničko-dobojskog kantona za 2019. godinu, Ministarstvo za poljoprivredu, šumarstvo i vodoprivredu, " Subvencije - veterinarstvo" i Zakon o izvršavanju Budžeta Zeničko-dobojskog kantona za 2019. godinu ("Službene novine Zeničko- dobojskog kantona", broj: 3/19)
Odgovorna osoba:	Ministar Mirnes Bašić

I UVOD

Odredbama Zakona o veterinarstvu ("Službene novine Federacije BiH", broj: 46/00) propisano je da se određene mjere zdravstvene zaštite životinja finansiraju iz budžeta kantona. Shodno tome predložen je Program utroška sredstava budžeta Zeničko-dobojskog kantona za zdravstvenu zaštitu životinja u 2019. godini (u daljem tekstu: Program).

Za realizaciju ovog Programu planirana su sredstva u iznosu od 150.000 KM.

U izradi Programa korišteni su slijedeći parametri:

- Epizootiološka situacija na području Zeničko-dobojskog kantona (u daljem tekstu: Kanton)
- Zakonske obaveze i
- Kontinuitet preventivnih mjera,

Prilikom izrade Programa vodilo se računa o harmonizaciji Programa zdravstvene zaštite životinja Federalnog ministarstva poljoprivrede, vodoprivrede i šumarstva i Ministarstva za poljoprivredu, šumarstvo i vodoprivredu Zeničko-dobojskog kantona.

II AKTIVNOSTI PROGRAMA ZDRAVSTVENE ZAŠTITE ŽIVOTINJA

Na osnovu trenutne situacije u pogledu stanja i kretanja zaraznih bolesti domaćih životinja na području Zeničko-dobojskog kantona, na temelju odredbi Zakona o veterinarstvu i u skladu sa raspoloživim sredstvima Budžeta Zeničko-dobojskog kantona za 2019.godinu, planira se utrošak sredstava za provođenje slijedećih aktivnosti:

1. Kontrola zdravlja vimeni,
2. Uzimanje uzoraka za ispitivanje Infektivne anemije konja,
3. Naknada štete za eutanazirane životinje,
4. Pomoć u provođenju Zakona o zaštiti i dobrobiti životinja,
5. Rezerva.

1. Kontrola zdravlja vimeni – planira se sufinansiranje laboratorijskih pretraga mlijeka koje se stavlja u javnu potrošnju na mikroorganizme i somatske stanice za proizvođače koji su u sistemu organizovanog otkupa mlijeka ili su registrovani za preradu mlijeka u vlastitom domaćinstvu. Sufinansiranje iznosi 15,00 KM/kravi u laktaciji. Mjere dijagnostičkog ispitivanja sprovodiće nadležne veterinarske stanice na dodijeljenim područjima djelovanja. Pravo na sredstva ostvariće proizvođači putem veterinarskih stanica. Za ovu mjeru se planira utrošiti 92.000,00 KM.

2. Uzimanje uzoraka za ispitivanje Infektivne anemije konja – Za uzimanje uzoraka krvi svih konja radi ispitivanja na prisustvo bolesti Infektivna anemija konja na području Kantona, planira se utrošiti 3.000,00 KM.

3. Naknada štete za eutanazirane životinje - Za eutanazirane životinje i predmete uništene tokom provođenja naređenih mjera, u skladu sa članom 45. i 46. Zakona o veterinarstvu ("Službene novine Federacije BiH", broj: 46/00), plaća se naknada štete vlasnicima. Mjere se provode po naredbi Glavnog federalnog veterinarskog inspektora, a za bolesti pčela po naredbi kantonalnog veterinarskog inspektora. Naknada štete se namiruje iz Budžeta Kantona i Budžeta Federacije u jednakom iznosu, a iznos naknade štete korisniku utvrđuje Komisija za procjenu tržišne vrijednosti životinja imenovana od Ministra Ministarstva za poljoprivredu, šumarstvo i vodoprivredu Zeničko-dobojskog kantona. U ove svrhe planira se utrošiti 15.000 KM.

4. Pomoć u provođenju Zakona o zaštiti i dobrobiti životinja – Kao pomoć Općinama/Gradu za provođenje mjera zdravstvene zaštite i dobrobiti životinja koje su definisane odredbama člana 30. Zakona o zaštiti i dobrobiti životinja („Službeni glasnik BiH“, broj: 25/09) i odredbama člana 124. Zakona o veterinarstvu ("Službene novine Federacije BiH", broj: 46/00). Planira se utrošiti iznos od 35.000 KM.

5. Rezerva - sredstva rezerve se planiraju u iznosu od 5.000,00 KM. Biće korištena u slučajevima iznenadne pojave neke zarazne bolesti životinja u toku 2019.godine, u slučaju nedostatka sredstava za neku od aktivnosti iz Programa, odnosno kao sredstva pomoći farmerima koji su pretrpili znatnu materijalnu štetu, nagla uginuća većeg broja životinja ili gubitaka životinja nastalih kao rezultat prirodnih nepogoda.

III KRITERIJI ZA RASPODJELU SREDSTAVA

Odobrena finansijska sredstva ostvariće se iz Budžeta Kantona pod stavkom "Subvencije - veterinarstvo" – budžetska sredstva, a odobravaće se fizičkim i pravnim licima (u daljem tekstu: korisnici) prema slijedećim kriterijima:

A. Opći kriteriji

Životinje koje budu obuhvaćene mjerama iz ovog Programa zdravstvene zaštite moraju biti propisno obilježene i moraju biti upisane u jedinstvenom registru domaćih životinja, u skladu sa Pravilnikom o obaveznom označavanju i upisu u jedinstveni registar ovaca, koza i svinja, te vođenje evidencija („Službene novine FBiH“, broj: 87/07) i Pravilnikom o označavanju i šemi kontrole kretanja životinja u BiH („Službeni glasnik BiH“, broj: 28/03). Preventivne mjere zdravstvene zaštite životinja mogu obavljati samo registrovane Veterinarske stanice Zeničko-dobojskog kantona na dodijeljenim područjima djelovanja i u skladu sa Programom mjera zdravstvene zaštite životinja i njihovog provođenja u 2019. godini. („Službeni glasnik BiH“, broj: 5/19).

B. Posebni kriteriji

1. Kontrola zdravlja vimen Životinje koje se ispituju moraju biti propisno obilježene i upisane u jedinstveni registar obilježenih životinja.

2. Uzimanje uzoraka za ispitivanje Infektivne anemije konja

Životinje koje se ispituju moraju biti identifikovane i obilježene čipom.

3. Naknada štete za eutanazirane životinje

Vlasnici eutanaziranih životinja obavezni su dostaviti dokumentaciju koja je propisana Pravilnikom o postupku isplate nadoknade štete za neškodljivo uklonjene seropozitivne životinje („Službene novine Federacije BiH“, broj: 98/12 i).

4. Pomoć u provođenju Zakona o zaštiti i dobrobiti životinja

Korisnici sredstava mogu ostvariti pravo na sredstva kao pomoć za izgradnju skloništima za životinja što se dokazuje posjedovanjem urbanističke ili građevinske dozvole ili kao pomoć u funkcionisanju skloništa koja su u upotrebi, dostavljanjem dozvole o formiranju skloništa koja je izdata od Općine/Grada.

5. Rezerva

Sredstva će se odobravati u skladu sa mogućnostima nakon što se utvrdi da uginuće nije nastupilo kao posljedica nebrige i nemara vlasnika i pod uslovom da su ispunjene obaveze prema Programu mjera zdravstvene zaštite životinja i njihovog provođenja u 2019. godini. („Službeni glasnik BiH“, broj: 5/19), te da je postupano po uputama veterinarar. Procjenu vrijednosti i proceduru ostvarivanja prava naknade provodiće Odsjek za veterinarstvo. Sredstva će odobravati Vlada posebnim zaključkom, na prijedlog Ministarstva.

IV SVRHA PROGRAMA

Svrha ovog Programa je da se nastave započeti i otvore novi procesi u Programu s ciljem da se ostvari :

- a. poboljšanje zdravstvene zaštite životinja,
- b. prevencija zaraznih bolesti domaćih životinja,
- c. suzbijanje i iskorjenjavanje postojećih zaraznih bolesti,
- d. unapređenje rada veterinarske službe,
- e. stvaranje povoljne epizootiološke situacije na području Kantona,
- f. unapređenje veterinarskog javnog zdravstva,
- g. zaštita zdravlja ljudi.

V IZVORI SREDSTAVA

Izvor sredstava za realizaciju Programa je Budžet Kantona za 2019. godinu ("Službene novine Zeničko-dobojskog kantona", broj: 3/19), u kojem je na stavci "Subvencije - veterinarstvo" – budžetska sredstva, u razdjelu 23., budžetska organizacija 01, potrošačka

jedinica 0001, ekonomski kod 614 400, NAD 405, planiran iznos od 150.000,00 KM.

Navedeni iznos sredstava će se realizovati u skladu sa punjenjem Budžeta Kantona za 2019. godinu, a na bazi mjesečnih operativnih planova.

VI KORISNICI SREDSTAVA

Korisnici sredstava su fizička i pravna lica koja ispunjavaju kriterije iz ovog Programa (vlasnici životinja, dijagnostičke ustanove, veterinarske stanice, općine/Grad)

Tabelarni prikaz Programa zdravstvene zaštite za 2019. godinu

R/B	Naziv	Iznos u KM
1.	Kontrola zdravlja vimen	92.000,00
2.	Uzimanje uzoraka za ispitivanje IAK-a,	3.000,00
3.	Naknada štete za eutanazirane životinje,	15.000,00
4.	Pomoć u provođenju Zakona o zaštiti i dobrobiti životinja	35.000,00
5.	Rezerva	5.000,00
	U K U P N O :	150.000,00

Na prijedlog Ministarstva za poljoprivredu, šumarstvo i vodoprivredu Zeničko-dobojskog kantona, Vlada Kantona će za svaku planiranu aktivnost ili u slučaju utroška sredstava iz rezerve ovog Programa, posebnim zaključcima ili odlukama odobravati sredstva iz Budžeta Kantona.

Broj: 02-_____/19
Datum, 07.05.2019. godine
Z e n i c a

PREMIJER

Mirza Ganić